

მეორე კლასი - ფინალური ტესტის მიმოხილვა

მშობლიური, ქართული ენის ფინალის ტესტი 100 ქულიანია. ტესტში ჯამურად დაგხვდებათ 30 საკითხი (შეკითხვა). ტესტი შედგება 2 ნაწილისაგან:

- ◆ წაკითხული ტექსტის გააზრება (40 ქულა)
- ◆ გრამატიკული და ლექსიკური დავალებები (60 ქულა)

ტესტის ყველა შეკითხვა არჩევითპასუხიანი, დახურული ტიპისაა. თითოეულ შეკითხვას აქვს სამი სავარაუდო პასუხი: ა, ბ ან გ, რომელთაგანაც მოსწავლეს ერთი სწორი პასუხის შერჩევა ევალება.

ნაწილი #1 - წაკითხული ტექსტის გააზრება

ტესტის ამ ნაწილში 10 შეკითხვაა და თითოეული სწორი პასუხი ფასდება 4 ქულით. შესაბამისად, ამ ნაწილის ჯამური ქულაა 40.

აღნიშნული სავარჯიშოს შესრულებისას მოსწავლეს მოუწევს მცირე ზომის, კლასის შესაბამისი ტექსტის წაკითხვა და გააზრება. შეკითხვები შეეხება:

- პერსონაჟების თვისებებს,
- ტექსტში მოცემულ მოვლენებს შორის კავშირების აღმოჩენას,
- ტექსტის მთავარი სათქმელის გააზრებას.

ნაწილი #2 - გრამატიკული და ლექსიკური დავალებები

ტესტის მეორე ნაწილი შეეხება გრამატიკულ და ლექსიკურ საკითხებს. ტესტის ამ ნაწილში 20 დავალებაა და თითოეული სწორი პასუხი ფასდება 3 ქულით, შესაბამისად ამ ნაწილის ჯამური ქულაა 60.

მოსწავლემ უნდა გამოავლინოს კლასის შესაბამისი ცოდნა შემდეგი მიმართულებებით:

- სულიერი და უსულო არსებითი სახელები,
- სიტყვის მარცვალი,
- საპირისპირო და მსგავსი მნიშვნელობის სიტყვების ამოცნობა,
- მრავლობითი და მხოლობითი რიცხვი,
- მოქმედებითი სიტყვის დრო (წარსული, აწმყო, მომავალი)...
- ასევე მოსწავლე შინაარსობრივად უნდა იაზრებდეს მარტივ ანდაზებსა და მხატვრულ გამონათქვამებს, ჰქონდეს მათ შესახებ ზოგადი ცოდნა.

მაგალითად:

როგორ გესმის გამოთქმა: „ბიჭუნა სიხარულით ხტოდა.“

ა. ბიჭუნა ძალიან გაბრაზდა და დაიყვირა

ბ. ბიჭუნას შეეშინდა და გაიქცა

გ. ბიჭუნა ძალიან გახარებული იყო

ჩამოთვლილებიდან რომელია სულიერი არსებითი სახელი?

ა. ბავშვი

ბ. მაგიდა

გ. წიგნი

შეგახსენებთ, ფინალური ტური 4 მაისს ჩატარდება. ფინალთან დაკავშირებული ყველა საჭირო ინფორმაციის ნახვა ამ ბმულზე შესაძლებელია: <https://www.kings.ge/news/1321>

კინგსის გუნდი გისურვებთ წარმატებულ ასპარეზობას!